

ANDOAINGO UDALAK EUSKO JAURLARITZAKO KULTURA SAILAREN LANKIDETZAZ ANTOLATUTAKO II. «RIKARDO ARREGI» KAZETARITZA SARIAREN OINARRIAK

Andoaingo Udalak, euskararen erabileraren normalkuntzarekiko duen konpromezuak bultzaturik eta kontutan izanik, kazetaritza gizarte-bizitzan eragin itzela duen iharduera izaki, euskararen erabateko normalkuntzak ezinbestez behar duela euskaraz egindako kazetaritza prestu eta moderno, II. «Rikardo Arregi» kazetaritza sariaren deialdia egiten du Eusko Jaurlaritzako Kultura Sailaren Lankidetzaz, ondoko hauek direlarik aipatu sari horren oinarriak:

LEHENA

1989ko maiatzaren 15etik 1990eko maiatzaren 15era bitartean egunkari eta aldizkarietan, prentsa idatzian orohar, euskaraz argitaratuko lanek daukate sari honetan partehartzeko aukera.

BIGARRENA

Lau atalotan banatzen da saria: sekzioa, baloraziozko kazetaritza, erreportaia eta herrietako aldizkariak. Honela, bada, sekziorik hoberena, baloraziozko artikulurik hoberena, erreportairik hoberena eta herrietako aldizkarietan argitaratutako artikulurik hoberena sarituko dira.

HIRUGARRENA

«Sekzioa» ataleko saria, lehen oinarrian aipatutako epean Epaimahaia-
ren eritziz mailarik altuena lortu eta gorde duen sekzioari emango zaio. Kasu honetan ez dute egunkari eta aldizkariak aldeztu aurretik ezer aurkeztu beharrik izango, Epaimahaia bera izango baita da jarraipena egingo duena.

LAUGARRENA

«Baloraziozko kazetaritza» ataleko saria, lehen oinarrian aipatutako epean prentsan argitaratutako baloraziozko artikuluetatik Epaimahaia-
ren eritzian hoberena denari emango zaio. Baloraziozko artikuluek deitzen diren sartzan dira, besteak beste, saiakerazko artikuluek. Fenomeno puntual eta konkretuen azalpenetatik areago doazen artikuluek izan beharko dute hauek, nahiz eta datuak ematen dituzten eta, beste zenbaiten artean, gertakizun konkretuetatik abiatuz egindako idazlanak izan. Sari hau erabakitzerakoan, Epaimahaia oso kontuan hartuko ditu egileak aztergaiari buruz egiten duen hausnarketa edo balorazio propioaren sakontasuna eta zorroztasuna.

BOSTGARRENA

«Erreportaia» ataleko saria, lehen oinarrian aipatutako epean prentsan argitaratutako erreportaietan Epaimahaia-
ren eritzian hoberena denari emango zaio. Sari hau erabakitzerakoan Epaimahaia besteak beste eta batez ere estiloa, orijinaltasuna, datu-bilketaren exhaustibotasuna eta zailtasuna hartuko ditu kontutan.

SEIGARRENA

«Herrietako aldizkariak» ataleko saria, lehen oinarrian aipatutako epean herrietako aldizkarietan argitaratutako artikuluetatik Epaimahaia-
ren eritzian hoberena denari emango zaio. Ez dute atal honetan partehartzetik izango literatura alorreko artikuluek, ez elkarriketek, ez eta epe berorretan Argia, Deia, Egin, Eguna, Hemen, El Correo Español, Diario de Navarra, El Diario Vasco, Jakin, Navarra Hoy, Karmel, Herria, HABE edo Zutabe aldizkarietan idazlanen bat argitara eman duten idazleen artikuluek ere, atal horretako saria kazetaritzaren hastapenetan dabil-tzanez zuzendua bait da.

ZAZPIGARRENA

«Baloraziozko kazetaritza» sarira gutxienez ere hiru folio dituzten arti-

kuluek aurkeztu ahal izango dira. Autore bakoitzak artikuluen bost kopia eta/edo artikuluen argitalpenaren bost kopia bidali beharko ditu 1990eko maiatzaren 25a baino lehen oinarri honen bukaeran ematen den helbidera, kartazalean, helbideaz gain, «II. Rikardo Arregi Saria - Baloraziozko kazetaritza» ere jarri behar duelarik.

«Erreportaia» ataleko sarira gutxienez ere hiru folio dituzten lanak aurkeztu ahal izango dira. Autore bakoitzak erreportaiaren bost kopia eta/edo erreportaiaren argitalpenaren bost kopia bidali beharko ditu 1990eko maiatzaren 25a baino lehen oinarri hauen bukaeran ematen den helbidera, kartazalean, helbideaz gain, «II. Rikardo Arregi Saria - Erreportaia» ere jarri behar duelarik.

«Herrietako aldizkariak» sarira edozein luzeratako artikuluek aurkeztu ahal izango dira. Autore bakoitzak artikuluen bost kopia bidali beharko ditu 1990ko maiatzaren 25a baino lehen ondoren aipatzen den helbidera, kartazalean, helbideaz gain, «II. Rikardo Arregi Saria-Herrietako Aldizkariak» ere jarri behar duelarik.

Helbidea: Andoaingo Udaletxea. 20140 ANDOAIN. GIPUZKOA.

ZORTZIGARRENA

Autore bakoitzak nahi beste artikuluz partehartu ahal izango du II. «Rikardo Arregi» Kazetaritza Sariaren. Denboraldi horretan beste sariren batetara aurkeztutako idazlanak, ordea, ezin izango dira honetan aurkeztu.

BEDERATZIGARRENA

Ondoko hauek izango dira Epaimahaia osatuko dutenak:
Presidentea: Andoaingo Udaleko Alkatea edo honek bere ordeztu-
da dezan udalkidea.

Bokalak: - Elixabete Garmendia anderea, Jesus Etkezarraga jauna, Jo-
serra Gartzia jauna eta Jose Mari Otermin jauna.

Idazkaria: Andoaingo Udalak izenda dezana, hizpidez baina hautespi-
derik gabe jardungo duena.

HAMARGARRENA

Sariak honako hauek izango dira:

-«Sekzioa» atala, sekziorik hoberenari emango zaiona: 400.000 pezeta.

-«Baloraziozko kazetaritza» atala, prentsan argitaratutako baloraziozko artikulurik hoberenari emango zaiona: 400.000 pezeta.

-«Erreportaia» atala, prentsan argitaratutako erreportairik hoberenari emango zaiona: 400.000 pezeta.

-«Herrietako aldizkariak» atala, herrietako aldizkariaren batetan argita-
rutako artikulurik hoberenari emango zaiona: 200.000 pezeta.

Sariei buruz Epaimahaia hartutako erabakia 1990eko ekainean eman-
go da ezagutzera, garai berean egingo delarik sari banaketa ere. Epai-
mahaia lanen maila egokia ez eritiz gero hutsik utzi ahal izango du
saria. Apelaezina izango da Epaimahaia-
ren erabakia.

HAMAIKAGARRENA

Sari honetan parte hartze hutsak berez adierazten du oinarri guztioki-
go adostasun osoa.

KAZETARITZA SARIA

